



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI 12

TSHIVENDA LUAMBO LWA U ENGEDZA LWA
VHUVHILI (SAL)

BAMMBIRI LA U THOMA (P1)

LA RA 2012

GAUTENG

MARAGA: 120

TSHIFHINGA: awara 2½

Bammbiri ili li na masiatari a 15.

NDAELA NA ZWINE NA TEA U PFESESA

1. Bammbiri heli li na KHETHEKANYO NNA:

KHETHEKANYO YA A: Tholokanyondivho (30)
KHETHEKANYO YA B: Manweledzo/Samari (10)
KHETHEKANYO YA C: Luambo (60)
KHETHEKANYO YA D: Litheretsha/Maniwalwa (20)
2. Vhalani ndaela DZOTHE nga vhuronwane.
3. Fhindulani mbudziso DZOTHE.
4. Thomani khethekanyo INWE na INWE kha siatari liswa.
5. Hune khethekanyo inwe na inwe ya fhelela hone ni talele.
6. Nomborani phindulo inwe na inwe zwi tshi anana na kunomborele kwa mbudziso.
7. Ni tshi fhedza u fhindula mbudziso, ni pfuke mutala ni kone u ya kha i tevhelaho.
8. Nwalani zwi no vhalea, nahone nga vhudele.
9. Ni dzhie nzele mupeleto, khethekanyo ya maipfi, kushumisele kwa madanzi, zwigwa zwa u vhala, tswayo, khathihi na kuvhumbelwe kwa mafhungo.
10. Khethekanyani zwifhinga zwanu nga ndila i tevhelaho:

KHETHEKANYO YA A: Minetse ya 40
KHETHEKANYO YA B: Minetse ya 30
KHETHEKANYO YA C: Minetse ya 50
KHETHEKANYO YA D: Minetse ya 30

KHETHEKANYO YA A: THOLOKANYONDIVHO

Vhalani mafhungo a tevhelaho uri ni do kona u fhindula mbudziso dzi a tevhelaho:

MBUDZISO 1

TSHIBVELEDZWA TSHA A

U FHULUFHEDZEA ZWI A THUSA

Fhulufhedzani ndi muthannga a sa shumi. O fhedza tshikolo mahola. U na digirii ya B. Com. Finance ye a i wana Yunivesithi ya Venda.

U sa shuma hawe zwo mu dina vhukuma. O vha a tshi vutshela u toda zwikoropo na u apulaya mishumo yo fhambanaho. Mme awe Vho-Sarah vho mu khuthadza uri a songo fhela mbilu, linwe duvha zwi do luga.

Khonani dzawe dzothe dzo wana mishumo ha tou sala ene fhedzi. Izwo zwo vha zwi sa mu ladzi. O onda ha tou sala marambo. Lutamo lwa zwiliwa na lwone lwa fhela. Nga nthani ha nyimele iyi, a humbula u thoma zwa u tswa, fhedzi a dovha a dikaidza ngauri zwi a dzhenisa khomboni. Hu si kale, khonani dzawe dza renga dzigoloi. Zwa tou nanisa vhutungu vhune a vha naho ha u sa wana mushumo.

Linwe duvha a ita mashudu a wana mushumo wa u kulumaga banngani ya United henefho tsini na hayani. Zwo mu dinaho ndi u vhona khonani dzawe dzo da u tusa kana u vheya tshelede. A divhudza uri zwi do luga linwe duvha. Vhanwe vho vha vha tshi mu kolela uri u khou shuma mushumo wa fhasi ngeno o funzea.

Linwe duvha a tshi khou swiela dzharata ya nda ha bannga, a mbo di doba fulobo i re na basa na tshelede. Bannga yo vha yo no vala, vathu vho no tuwa. Fhulufhedzani o mbo di tuwa na phasela ye a doba hayani. U swika a vala ndu a vhalala tshelede iyo. Tshelede yo vha i R400 000. O mbo vhidza mme awe. Vho-Sarah u vhona tshelede iyo vha tavha mukosi nga dakalo. Fhulufhedzani a vha vhudza uri o tou doba tshelede iyo. Mme awe vha mu vhudza uri Mudzimu ha fhi nga tshanda, nahone o pfa thabelo yawe ya u tambula nga u sa wana mushumo. Vho-Sarah vho no humbula u fhata na u renga goloi nga tshelede iyo.

Zwo mangadzaho Vho-Sarah ndi zwe Fhulufhedzani a amba zwone. O ri u do humisela zwothe zwe a doba kha mune wazwo. Mashudu ho vha hu na diresi na nomboro dza lutingo kha fulobo ye a doba. O vhudza mme awe uri **tshe wa doba a si tshau**. Mune wa tshelede u khou pfa vhutungu nga tshelede nngafhangafha ye a xedza. O vha talutshedza uri u do tou shuma yawe.

Nangoho Fhulufhedzani o mbo di founela kha nomboro dzi re kha fulobo iyo. Mufhinduli wa founu ndi munna a no pfi Leslie we a khwathisa uri o xedza tshelede ine ya lingana R400 000, ye a vha a tshi khou ya u holela vhashumi. Fhulufhedzani o mu vhudzisa mbudziso dzi fushaho u todou vhona arali e mune wa tshelede.

O mu vhudzisa minwaha yawe, nomboro dza basa, diresi na muvhala wa fulobo yo xelaho. Leslie o fhindula mbudziso dzothe. Fhulufhedzani a zwi wana uri ndi ene mune wa tshelede na basa.

Fhulufhedzani a humbela Leslie uri vha tangane tshitshini tsha mapholisa tsha John Vorster. Vho langana u tangana nga masiari nga iri ya u thoma. Nangoho zwa itea nga yeneyo ndila. Fhulufhedzani o swika u thoma, a humbela thuso ya mapholisa musi a tshi do nekeda tshelede iyo kha Leslie.

Leslie o tangedza tshelede iyo. O vha o dala dakalo. Leslie o talutshedza uri u a thoma u vhona muthu a fhulufhedzeaho sa hoyu. O vhalo tshelede yothe a wana yo fhelela. Ndivhuwo ye Leslie a fha uyu muthannga yo vha tshelede i linganaho R50 000 na u mu fha mushumo kha khamphani yawe. Mushumo we a mu fha ndi wa u vha minidzhere wa Finance. Ntha ha izwo o fhiwa goloi na ndu. Fhulufhedzani o vha o takala vhukuma. Vho ralo vha khadana vha onesana.

U swika hayani Fhulufhedzani a talutshedza mme awe zwe a tshimbilisa zwone. Vho-Sarah mbilu yavho ya dala dakalo. Vha livhuwa na u khoda niwana wavho kha u fhulufhedzea na u kondelela hawe.

Fhulufhedzani o mbo di thoma mushumo. O shuma lu mangadzaho. O takulelwa ntha hu sa athu u fhela tshifhinga tshilapfu. Namusi ndi muniwe wa vhoramabindu vhahulwane fhanu Afrika Tshipembe. U na mufumakadzi na vhana vhavhili.

Ndivhuwo dzothe o dzi livhisa kha Leslie. Nangoho u fhulufhedzea zwi a thusa.

- 1.1 Ndi nnyi we a vha a sa shumi mafhungoni aya? (1)
- 1.2 O dzhena ngafhi tshikolo? (1)
- 1.3 Ndi ifhio digirii ye a phasa? (1)
- 1.4 Ndi mini zwe zwa vha zwi tshi khou mu dina? (1)
- 1.5 Fhulufhedzani na mme awe vha fhambana hani? (2)
- 1.6 Nga nthani ha nyimele ya u sa shuma, Fhulufhedzani o humbula u itani? (1)
- 1.7 Ndi ngani a songo tsha ita zwe a vha o humbula? (2)

- 1.8 Fhulufhedzani o fhedza o wana ngafhi mushumo? (1)
- 1.9 Bulani tshe Fhulufhedzani a doba mushumoni. (1)
- 1.10 Vho-Sarah vho humbula u ita mini nga tshelede iyo? (2)
- 1.11 Talutshedzani lifurase lo sendamiswa. (2)
- 1.12 Ndi ngani Fhulufhedzani a tshi khou todou humisela zwe a doba kha mune wazwo? (2)
- 1.13 Fhindulani nga *Ee* kana *Hai*.
- 1.13.1 Fhulufhedzani o vha a sa fhulufhedzei. (1)
- 1.13.2 Leslie o xedza R400 000 na basa. (1)
- 1.14 Bulani mbudzi NTHIHI ye Leslie a vhudziswa nga Fhulufhedzani. (1)
- 1.15 Ndi ngani Fhulufhedzani o humbela u tangana na Leslie mapholisani John Vorster? (2)
- 1.16 Leslie o livhuwa hani Fhulufhedzani? Nwalani ZWIVHILI. (2)
- 1.17 Inwi ni vhona Fhulufhedzani e muthannga-de? (2)
- 1.18 Zwe Fhulufhedzani a ita zwa u humisela tshelede kha Leslie zwo tea naa? Tikedzani phindulo yanu. (2)
- 1.19 Pfunzo ye na guda afha ndi ifhio? (2)

THANGANYELO YA KHETHEKANYO YA A: 30

KHETHEKANYO YA B: MANWELEDZO/SAMARI

MBUDZISO 2

Vhalani mafhungo (TSHIBVELEDZWA TSHA B) uri ni do kona u a nweledza nga mbuno dza SUMBE, ni tshi sumbedza **zwine ra tea u ita uri ri vhulunge maḁi**.

NDAELA

1. Nwalani mbuno dza SUMBE dzi kha mafhungo a pfalaho, tshivhalo tsha maipfi aṇu tshi songo paḁa 60.
2. Nomborani mafhungo aṇu u bva kha 1 u swika kha 7.
3. Nwalani mbuno NTHIHĪ fhedzi kha fhungo liṇwe na liṇwe.
4. Shumisani maipfi ANU.
5. Sumbedzani tshivhalo tsha maipfi e na shumisa e zwitangeni mafheleloni a manweledzo/samari yaṇu.


TSHIBVELEDZWA TSHA B

KHA RI TḐOGOMELE MAḁI

Maḁi ndi tshithu tshihulwane liḁhasini loṱhe. A sa vha hone roṱhe ri a fa. Vhaḁivhi vha ri maḁi a khou fhungudzea Afrika Tshipembe. Ri fanela u tḐogomela kushumisele kwa maḁi. Ri songo a tambisa.

U shaea ha maḁi zwi vhanga thaidzo nnzhi. Zwi ita uri zwithu zwi ḁure. Maḁi a ri thusa kha zwithu zwinzhi. Tsumbo, u bika, u kuvha, u sheledza zwiliṇwa, u fhaṱa, u ṱamba na zwiṇwe zwinzhi.

Ndi zwinzhi zwine zwa nga itwa u vhulunga maḁi. Vhathu vha tea u ṱamba luthihi nga ḁuvha vha tshi khou shumisa ndishi kana shawara. Shawarani vha songo fhedza tshifhinga tshilapfu. Ri tea u sheledza zwiliṇwa zwashu nga madekwana nahone ri shumise mabakete, hu si phaiphi. Musi ri tshi ṱamba maṇo, ri songo litsha maḁi a tshi shuluwa kha bommbi. Kha ri shumise ngilasi kana khaphu. Vha re na dzigoloi vha dzi ṱanzwe musi dzo no tswukesa vha tshi shumisa mabakete. Ri fanela u guda u shumisa maḁi lu fhiraho luthihi. Arali vha kuvha kana u ṱamba, maḁi a sala a songo tswuka, vha fanela u a fha muṇwe mushumo. Ri songo tshikafhadza mupo ngauri zwi tshikafhadza maḁi. Ri songo kuvhela mulamboni, zwi tshikafhadza maḁi.



U dalesa ha vhathu dzidoroboni vha tshi toda mishumo, zwi vhang a tshikafhadzo na u shumiseswa ha maḁi. U anda ha mamaḁa na mimaini na zwone zwi tshikafhadza mupo na maḁi. Ri songo latela mashika maḁini. Hezwi zwi vhulaya zwithu zwi tshilaho maḁini. Ikonomi na mutakalo wa vhathu zwi a kwamea ngauri khovhe a dzi tsha do wanala.


Vhorabulasi vha a kwamea. Maḁi o tshikafhadzwaho a vhulaha zwimela na zwifuwo. U shaea ha zwimela zwi amba u shaea ha zwiliwa, mishonga na fanitshara. Zwimela zwi tsireledza shango na u ri fha muya wo kunaho. Zwothe hezwi zwi konadzea nga u thogomela maḁi.

THANGANYELO YA KHETHEKANYO YA B: 10

KHETHEKANYO YA C: LUAMBO

MBUDZISO 3

- 3.1 Talelani tshifanyiso tshi tevhelaho ni dovhe ni vhale mafhungo nga vhuronwane uri ni do kona u dzhenisa maipfi e na newa afho zwickhalani. Ni shumise mutevhe wa maipfi e na newa. Nwalani nomboro ya mbudziso na ipfi lo teaho fhedzi.



zwi; funza; tshoko; thuso; na; phasa; mudededzi; tanganya;
takala; bodo; vha; ethe; ngauri; yawe; o

(3.1.1) ... vha khou (3.1.2) ... Tshililo Maths (3.1.3) ... u a mu balela. Vho mu fha (3.1.4) ... uri a niwale kha (3.1.5) ... Thaidzo (3.1.6) ... ndi ya u (3.1.7) ... Tshililo (3.1.8) ... pfesesa zwe mudededzi (3.1.9) ... mu funza. Zwino u vho kona u shuma Maths e (3.1.10) ... Kilasini vhañwe vha toda (3.1.11) ... khae. Izwi (3.1.12) ... sumba uri u do (3.1.13) ... Maths mafheloni a niwaha. Mudededzi vho (3.1.14) ... vha tshi vhona Masindi a tshi khou kona Maths (3.1.15) ... u funza vhañwe.

(15)

3.2 Vhalani luñwalo ulu uri ni do kona u fhindula mbudziso dzi lu tevhelaho:

43A Golden Street

Johannesburg

2001

10 Khubvumedzi 2012

Khotsi anga

Ndi dakalo u vha ñwalela luñwalo ulu. Ndi tama u vha ñivhadza uri ngeno tshikoloni zwi khou tshimbila zwavhudi. Tero dzothe ndo dzi phasa zavhudi.

Nga holodei ine ya khou ña ndi do vhuya na thama yanga Vusi. Ha hawe ndi Siyabuswa. Ri dzhena rothe UJ nahone ri khou fhedza rothe.

Ndi na fulufhelo uri vha do takalela u ri vhona. Vha so ngo ñidina nga u posa tshelede ya u ña ngeo. Ila ye vha rumela i kha ñi vha hone.

Vusi u khou tama u vha ñivha sa musu na ñne ndo no ya ha hawe. Ri do vha vhona nga Lavhutani.


Ndi ñne

Ñwana wavho

- 3.2.1 Luñwalo ulu ndi lwa lushaka-de? (1)
- 3.2.2 Ho khakhea mini kha zwi tevhelaho? (2)
- (a) Diresi (2)
- (b) Magumo (2)
- 3.2.3 Topolani maipfi MAVHILI a songo peletwaho zwavhudi ni a khakhulule no a shumisa mafhungoni. (4)
- 3.2.4 Topolani ñidadzisi ña tshifhinga mafhungoni e na vhala. (1)
- 3.2.5 Topolani ñisumbavhune kha phara ya vhuña ni dovhe ni ñi shumise fhungoni ñipfalaho. (2)
- 3.2.6 Ndi zwifhio zwi no sumbedza uri muñwali wa luñwalo ulu ha tambisi tshelede? (2)
- 3.2.7 Ñwalani ñibulazwithihi ña ipfi ña talelwaho. (1)

3.3 Talelani tshifanyiso tshi re afho fhasi ni kone u fhindula mbudziso.

Masindi na Shonisani vha khou dilugisela u ya phathini.



- 3.3.1 Vhathu vhane vha khou amba ndi vha mbeu-de? (1)
- 3.3.2 Topolani madzina a vathannga vho bulwaho afha. (2)
- 3.3.3 Nwalani lifhambanyi la ipfi **muthannga** li fhungoni le na tou disikela. (2)
- 3.3.4 Nwalani fhungo lo sendamiswa ho li kha tshifhinga tsho fhiraho. (2)
- 3.3.5 Hu na maipfi mavhili a songo nwaliwaho nga ndila yone. A nangeneni ni a khakhulule. (2)
- 3.3.6 Topolani litanganyi lo shumiswa ho mafhungoni aya ni vhumbe fhungo li pfalaho ngalo. (2)
- 3.3.7 Isani fhungo ili kha thenda:
A thi todi u tahela u vhona muimbi Zabi. (2)
- 3.3.8 Topolani litaluli ni li shumise fhungoni le na tou disikela. (2)

3.4

MAKETE WA DZHIAWOLALA

2 kg
maapula
R3,50



10 kg
maswiri
R6,50



Zwiinge
zwiraru
R6,00



VHA WANA BOGISI LA MABEREGISI NGA FHEDZI!

Arali vha renga nga R50,00

Ri wanala 20 Forbes Street, Ngovhela. Arali vha tshi khou xe la vha kwame Mpfariseni kha 083 221 2237.

- 3.4.1 Ndi mini tshine tsha khou kungedzelwa afha? (1)
- 3.4.2 Bulani mishumo ya fonto dzi tevhelaho:
- (a) Khulwane (2)
- (b) Thukhu (2)
- 3.4.3 Topolani ipfi li songo riwalwaho nga ndila yone, ni li khakhulule li fhungoni le na tou disikela. (2)
- 3.4.4 Nangani lifurase la luambo lwa u fhuredzela lo shumiswaho mafhungoni aya. (2)
- 3.4.5 Vhane vha bindu vha nga kwamiwa hani? (2)
- 3.4.6 Isani fhungo li tevhelaho kha khanedza:
- Vha wana bogisi la maberegisi nga fhedzi.* (2)
- 3.4.7 Arali murengi a tshi khou renga 2 kg mbili dza maapula u do badela vhugai? (2)

THANGANYELO YA KHETHEKANYO YA C: 60

KHETHEKANYO YA D: LITHERETSHA/MAÑWALWA

Khethekanyo iyi i na mbudzo THANU (5). Ni tea u fhindula mbudzo MBILI fhedzi dzine na funa nahone dzine na dzi pfesesa.

MBUDZISO 4

MMBWA YA LA INWE A I NONI – TN Maumela

4.1 'ZWO VHA VHUEDZA MINI?'

Vhalani mafhungo a tevhelaho uri ni do kona u fhindula mbudzo dzo disendekaho khao.

Vhukuma, vha re Vho-Mutengwe mafhungo haya ho ngo vha dina lwa u tungunudza lini, nga vhang a uri tshede hei ine vha khou vhlwa a vha nayo nga tshone hetshi tshikhathi, nahone zwi nga di itea zwauri ilo duvha le vha telwa li nga di swika vha sa athu u i wana, hu uri vhone a vha khou zwi funa na luthihi-vho vhengele lavho li tshi valiwa kana u rengiswa.

Vho lala vha tshi humbula nga haya mafhungo. Ha ri li tshi ri khese-khese, vha vha vho no wana buli la u do dilamulela kha mulandu hoyu.

- | | | |
|-------|--|------|
| 4.1.1 | Ndi nnyi a re na mulandu? | (1) |
| 4.1.2 | Wo vha u mulandu wa mini? | (1) |
| 4.1.3 | Ndi tshini tsho itaho uri Vho-Dembe vha thuse muthu uyo? | (2) |
| 4.1.4 | Muthu uyo o thuswa nga ndila-de? | (2) |
| 4.1.5 | Ngavhe hu inwi no vha ni tshi do thoma na ita zwifhio ni sa athu thusa muthu we na bula kha mbudzo iyo ya 4.1.4? | (2) |
| 4.1.6 | Nganeapfufhi iyi i ni funza mini? Tikedzani phindulo yanu. | (2) |
| | | [10] |

KANA

4.2 'SIPHEGANA NA MUHANELWA'

Vhalani mafhungo a tevhelaho uri ni do kona u fhindula mbudziso dzo disendekaho khao.

Huno, uvha zwino lo no ita masiari, vhathada ngevha vho dzula tshidele nduni yeneyi ye a swielelwa khayoy, radio i khou endela u lila lune ya khou lilela fhasi ngeno vhone vha tshi khou endela u amba.

“Ni a divha a tho ngo todou da? Ngoho ho tou sala hungafha ndi songo da,” u sumbedza na nga musumbavhaloi wa tshaula.
“Mulandu?”

- 4.2.1 Ndi tshini tshe tsha todou dzulisa Siphengana u ya ha Muhanelwa? (2)
- 4.2.2 Hone o vha o ya u itani ha Muhanelwa? (2)
- 4.2.3 Zwo itwaho nga Siphegana ni vhona zwo tea u itwa nga musidzana naa? Tikedzani phindulo yanu. (3)
- 4.2.4 Nganeapfufhi iyi i ni gudisa mini vhutshiloni? (3)
- [10]

KANA

4.3 'A VHO NGO TSHA LA NA NAMA YAYO'

Vhalani mafhungo a tevhelaho uri ni do kona u fhindula mbudziso dzo disendekaho khao.

Hu si kale u vhona munna asuyu u khou swika hune a tou vhambela na he a dzumbama hone. Munna wa hone ene u khou mu kanganyisa, fhedzi i re mbudzi ndi ya hawe, yo hungwa mukulo nga tshithu tshi no nga sa ludzi kana thambo. Huno, a mbo di pfa a sa koni u kondelela zwine a khou zwi vhona nga awe mato. Evho, muthannga ndi u mbo di tumbudzuku fhala he a dzumbama hone. Mbadila ye a fara ya vha i a lila ntha ha thoho ya ula munna.

- 4.3.1 Ndi nnyi a no khou rwiwa, nahone u khou rwiwa nga nnyi? (2)
- 4.3.2 Yo vha i nama ya mini? (1)
- 4.3.3 Muthu uyo o vha a khou rwelwa mini? (2)

- 4.3.4 Ndi zwifhio zwi sumbaho uri fhethu afho ndi mahayani? (2)
- 4.3.5 Ni guda mini nga iyi nganeapfufhi? Tikedzani. (3)
- [10]

KANA

DZAMAKHULUKUKU– MJ Mafela, NR Raselekoane

4.4 'PHUNGUHWE NA NNGU'

Vhalani mafhungo a tevhelaho uri ni do kona u fhindula mbudziso dzo disendekaho khao.

“Vhunga dora lo vha li si tsha kondelelea, phunguhwe ya mbo di fhufhela dindini. Henengei ya swika ya nwa madi thumbu dza tou rwe. I tshi vho ri ndi a bva zwe vhutoto. Ha ri yo no tou tovhowa tshothe, ha mbo di swika nngu ye na yone ya vha yo farwa nga dora. I tshi lavhelesa ya wana phunguhwe i tshi sumbedza i tshi khou diphina nga madi. Phunguhwe ya tenda uri i khou diphina nga madi. Nngu ya mbo di fhufhela ngomu dindini i songo thoma ya humbula na uri i do tou bva hani.”

- 4.4.1 Lungano ulu lu wela kha lushaka lufhio lwa ngano? (1)
- 4.4.2 Ndi nga mini phunguhwe yo fhufhela dindini? (2)
- 4.4.3 Tsho itaho uri nngu yone i fhufhele dindini ndi tshini? (2)
- 4.4.4 Arali no diwana ni kha nyimele ye nngu ya vha i khayoy, no vha ni tshi nga ita mini u tandulula thaidzo iyi? (3)
- 4.4.5 Ndi zwifhio zwe na guda nga lungano ulu? (2)
- [10]

KANA

4.5 'MUTHANNGA WA GOSWI'

Vhalani mafhungo a tevhelaho ni do kona u fhindula mbudziso dzo disendekaho khao.

Vhone vho vha vha tshi tou tshimbila nga daka uri vha fhungudze lwendo. Vha swika huiwe vha wana daka lihulu. Vhunga vho vha vho neta, vha mbo di dilugisela u edela heneho. Khavho ho vha hu na muiwe a ofhaho nga maanda. Uyo ene o mbo di hana vha tshi la mbuvha. O ralo nge a divha uri ene u toda u edela vhukati vhunga a tshi shavha u liwa nga zwivhanda.

- 4.5.1 Ndi vhonnyi vhe vha vha vha khou tshimbila nga daka? (1)
- 4.5.2 Lungano ulu ndi lwa lushaka-de? (1)
- 4.5.3 Bulani mishumo MIRARU ya lushaka ulu lwa ngano. (3)
- 4.5.4 Ndi nga mini muiwe o hana mbuvha i tshi liwa? (2)
- 4.5.5 Thero ya ulu lungano ndi ifhio? Talutshedzani. (3)
- [10]

THANGANYELO YA KHETHEKANYO YA D: 20
MARAGAGUTE: 120